

Касбий таълим ташкилотлари ва касбий кўникмалар марказларида фаолият юритаётган чет тили фани ўқитувчиларининг рейтингини аниқлаш ва рағбатлантириш тартиби тўғрисидаги низомга илова

Касбий таълим ташкилотлари ва касбий кўникмалар марказларида фаолият юритаётган чет тили фани ўқитувчиларининг рейтингини аниқлаш МЕЗОНЛАРИ

T/p	Рейтинг индикатори	Изоҳ	Балл
1.	Ҳисобот йилида ўқувчилар ва (ёки) битирувчиларнинг чет тили бўйича камида B1 ёки унга тенглаштирилган халқаро сертификатни қўлга киритган.	Халқаро сертификат сифатида қуйидагилар тан олинади: Инглиз тили бўйича: IELTS, TOEFL (iBT/iTP), Cambridge Assessment English Немис тили бўйича: Goethe-Zertifikat, Deutsches Sprachdiplom (DSD I/II), Test Deutsch als Fremdsprache (Test DAF), ÖSD Zertifikat Корейс тили бўйича: TOPIK (I/II) Япон тили бўйича: Japanese Language Proficiency Test (JLPT).	Ўқувчилар сони: 1) 3 нафардан 10 нафаргача – 10 балл; 2) 10 нафардан 20 нафаргача – 30 балл; 3) 20 нафардан 30 нафаргача – 50 балл; 4) 30 нафардан 40 нафаргача – 70 балл; 5) 40 нафар ва ундан юқори – 100 балл.
2.	Чет тили фани бўйича ўқитувчида ўқитаётган тили бўйича камида B1 ёки унга тенглаштирилган халқаро сертификатнинг мавжудлиги.	Халқаро сертификат сифатида қуйидагилар тан олинади: Инглиз тили бўйича: IELTS, TOEFL (iBT/iTP), Cambridge Assessment English Немис тили бўйича: Goethe-Zertifikat, Deutsches Sprachdiplom (DSD I/II), Test Deutsch als Fremdsprache (Test DAF), ÖSD Zertifikat Корейс тили бўйича: TOPIK (I/II) Япон тили бўйича: Japanese Language Proficiency Test (JLPT).	Сертификат даражаси: 1) B1 ёки унга тенглаштирилган – 10 балл; 2) B2 ёки унга тенглаштирилган – 20 балл; 3) C1 ва ундан юқори ёки унга тенглаштирилган – 35 балл.

T/p	Рейтинг индикатори	Изоҳ	Балл
3.	Чет тили фани бўйича ўқитувчи томонидан дарс берилган гуруҳ битирувчиларининг ривожланган хорижий давлатларда меҳнат фаолиятини амалга ошираётган.	1. Ривожланган мамлакатлар рўйхати Бирлашган Миллатлар Ташкилоти томонидан эълон қилинган ҳисоботлар асосида шакллантирилиб, Агентликнинг расмий веб-сайтида ҳамда “Xorijda ish” дастурий мажмуасида барча учун очик эълон қилинади. 2. Битирувчининг ривожланган хорижий давлатда меҳнат фаолиятини амалга ошираётгани “Xorijda ish” дастурий мажмуасидаги маълумотлар билан асосланган бўлиши лозим. 3. Касбий таълим ташкилоти ёки касбий кўникмалар марказини рейтинг аниқладиган йилдан кўпи билан бир йил олдин битирган битирувчилар инobatта олинади.	Битирувчилар сони: 1) 3 нафардан 10 нафаргача – 5 балл; 2) 10 нафардан 20 нафаргача – 10 балл; 3) 20 нафардан 30 нафаргача – 20 балл; 4) 30 нафардан 40 нафаргача – 30 балл; 5) 40 нафар ва ундан юқори – 50 балл.
4.	Чет тили фани бўйича ўқитувчининг таълим даражаси.		1) Бакалавр – 10 балл; 2) Магистр – 15 балл.
	Жами		200 балл